

جيهان عبد الرؤوف علوان

# أنين الروح

الطبعة الأولى 2017

## بطاقة الكتاب

عنوان المؤلف : أنين الروح  
المؤلف : جيهان عبد الرؤوف علوان  
التصنيف : أشعار بالعامية المصرية  
رقم الإيداع : 2017 / 16775  
عدد الصفحات : 102 صفحة  
رقم الإصدار الداخلي : 12  
تاريخ الإصدار الداخلي : 2017 / 9 طبعة ثانية

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 2017 / 13242 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 020554372901 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ع.م.م. محافظة الشرقية - العاشر من رمضان - مجاورة 13 - امام سنترال 13 - عقار 304

## الإهداء

إلى أخى وقرة عينى وصديقى  
محمد عبد الرؤوف  
حبا وكرامة

إلى عائلتى صاحبة الفضل علىّ

إلى أولادى  
فاطمة

عبد الرحمن  
سمية

زهرات تفتحت فى قلبى ورويتها بوجيب القلب  
أحبكم جميعا من كل قلبى

الشاعرة  
جيهان عبد الرؤوف علوان

## مقدمة الناشر

لابد لكل مبدع أن يمر بمراحل النمو الإبداعي كاملة - مقلدا دون وعي ، متأثرا لا يقوى على ضبط إيقاعه ، حتى يصل إلى حالة التفرد وتثبيت شخصيته الإبداعية فيبنى نصّه برواه - هو - وشاعرتنا جيهان عبد الرؤوف علوان مرت بهذه المراحل دون تكلف حتى حازت مكانتها الإبداعية المتفردة بين المبدعين .

وهذا الديوان هو ماانتهت إليه مؤخرا من تثبيت شخصيتها الإبداعية المكتملة تقدمه اليوم لتعلن عن نفسها وتقدم كتابا راقيا يحق له أن يحتل مكانته بين دفتى المكتبة العربية

الشاعر والناقد

ناجى عبد المنعم

رئيس مجلس إدارة دار النيل والفرات

# القبر قادر يحتويني

امحي إيه انا وللا إيه من ذكرياتي  
كل جرح وكل آهه بطول حياتي  
حارقه قلبي ودابحه روعي وخانقه ذاتي  
لا عيوني شافت رحمه منهم تحتويني

ولا حتى عطف القلب منهم بيدائني  
ابكى عمرى الماضى وللا كل أيامى اللى جايه  
وللا ع الحب اللى خاننى وباع مشاعرى  
ثانيه .. ثانيه

قول يا غايب للحبايب .. ليه باعونى ؟!  
للكلاب الناهشه لحمى .. ليه فاتونى ؟!  
كنت دايمًا بخفى دمعى عن عيونكم  
لما جيتوا وطاحتوا ف العش الجميل  
هو ذنبى انى باشكى مر حالى  
وللا يعنى كنت اموت واسكت والالى ؟ !!  
هان عليهم لقمة العيش اللى بيننا  
والدموع اللى اتملت بيها عيوننا  
وارمى نفسى لقبر قادر يحتوينى

# مشاعر طاهره

شافها تاريخ بطل وشمال  
روجها معلم ع الاشبال  
ماشيه تفرق عهر هواها  
من ثناياها على الأجيال  
رغم جمالها بره وجوه  
شافها بتسعى كمان للمال  
كسر كل مشاعر طاهره  
بكر عنيتها نص السهره  
بدل حالها لأسوأ حال  
ذكرى أليمه وغيمه كبيره  
بس ف نفس البنيت مازال  
شمعه بتضوى يمين وشمال

قلبت صفحه وعدت بيها  
وهو نساها بكل ماضيها  
والعنوان والشارع كله  
شجر الحب نسيمه وضله  
حد ف طيبة روحها يقول له  
لسه جوابه ف قلب دولابها  
لسه هواه مكتوب على بابها  
لحن غرامه ولحن غرامها  
مادد ع الأوراق لبلادها  
فقدت حب سنين وايام  
راح ماسمعهش أنين لعتابها  
جابهها الأرض وخاض ف العرض  
وغير بيها كتير أحوال  
بس عيونه فى آخر الرحله  
ما شافت غير إنها بطله  
وماشيه شمال

# صيد مشاعر

النبره حاده /

القلب واعر /

الأب شاعر !! /

صيد مشاعر /

بفكره أثر

على قلب أخضر /

بالفكر سطر

أفكار تشوشر /

على بنت بلدى  
بعود مدور /  
فريسه صعبه /  
مشاعرها اكثر /  
ونتيجه واضحه /  
خساره بدرى  
تجرى وتسهر /  
ده طبع فاجر  
صياد وقادر  
خوان مشاعر !!

# قلبي ليك دارك

بدموعى باكتب قصتى  
والآهه باينه ف بصتى  
م انا أم بكاهها الولاد  
عذبتها إحساس المداد  
انا الآهه اللى بتدوى  
بضمير حساس  
شكيت والشكوى من قلبى

سهرت عليك سنين عمرى  
وزوّدت السنين واكثر  
من الصّبّار ومن صبرى  
حرمت عيونى من أجمل  
ما يوصل للكيان إحساس  
وربيتك وعلمتك  
ووظفتك وجوزتك  
رमित العطف والطيبه  
وقلت نصيبها دا وخلص  
على كنبه فى ركن بعيد  
رمتنى وقلت مش بالإيد  
ما بين عَجَزَه ومسنين  
وانا ابكى واشكى لمين؟!  
دا عالم تانى فى الدنيا  
لناس بالحاله مش داريين  
فضلت أقول له واحكي له

ويا ابن العمر يثلا ارجع  
تعالى ف حضن أحبابك  
نسيت سهرى على راحتك ؟  
نسيت فى البطن عنوانك ؟  
دا مهما تقول فى أذارك  
ياحب ف قلبى ليك دارك  
وصورتى خطوط فى نور عينك  
أنا عمرى ما ح ادعى عليك  
ومن قلبى أنا مسمحاك  
وبكره تفكرك صورتى  
وضمة قلبى وسكوتى  
وتيجى تبكى على قبرى  
بكا بحرقة سنين صبرى  
تقول لى يالامه سامحيني  
وضميني يا نور قمرى !!

# خلاصة شجونى

بعت رسالاه بدمع العيون  
بقلبى اللى سطر خلاصة الشجون  
وتقرا بقلبك بأجمل مشاعرك  
تداوى الجراح اللى بييموتونى  
لأننى ضعيفه فى بحر الحياه

لوحدى باعافر بدون طوق نجاه  
دا قهر الليالى فى بُعد الأهالى  
رسالتى لقلبك ياخويا ياغالى  
ويمكن تحرك مشاعرك تجاهى  
ياعايش أسير جوه بطن التلاهى  
هاتبكى عليا بدموعك وروحك  
دا قدرى ونصيبى واخويا وحبيبى  
حارمنى أشوفه ويدخل عليا  
يطبطب يداوى يفرح عنيا  
بدم الأخوه اللى ماشى ف وريده  
وماشى ف وريدى ودايما يعاير  
وسابق بخيره وايديه ف ايديه  
وبيعد كل الخطاوى عليا  
ف فين الأخوه؟! وفين الموده؟!  
حاسدنى تملى بهم السنين!  
كأن عيونى عليه كدابين

وناقص يقول لى يابختك بحالك  
وانا نفسى منه شوية حنين  
دا شايف دموعى وشيبتى اللى بانت  
وظلم الليالى وجور السنين  
وفرقت ما بينى وبين الحبايب  
وهو القريب لكن لسه غايب  
زهورى عصونى وطالت ايديهم  
وقلبي تملئ عليهم حزين  
سابقهم كلامى وعمرى ييجرى  
تواصلوا معايا  
تعالوا زورونى  
قاتلنى بعادكم  
ياناس كلمونى  
اه

# حاصرونى ف ايامى

لملمت الافراح جوايا  
وصافحت قلوبكم الغضبانه  
وركنت آلامى على شطوطى  
وفارقت همومى النعسانه

مع إن الهم سيوف حاميه  
على كل درويي البردانه  
حكمت على همومي خصومي  
قلت ف أحزاني أشوف أخرى  
وبا اقول لسلاسل أيامي  
وبا اقول لقيودي كده اتاخري  
وصفوني بشيطانه .. حقيقي؟!  
ومعلم ف حبابي حريق  
سرقوني ف أحلى سنين عمري  
طاردوني ف أحلامي بضيق  
حاصروني ف زنازين أيامي  
حطولي القسوه ف احلامي  
كل دا علشان قلت بقلبي  
وعن قلبي وعن قلب هوايا

# خطافه

خطافه خطفتك م الكل  
وزرعتك ياسمين على فل  
مع قلبي اتكلم يا حبيبي  
أشواقى بتقولك طل  
مغرومه ف حبك مغرومه  
لكن من حبك محرومه  
مع إنك دايب فى غرامى !!  
وف حبك دايمًا مظلومه  
لكن من قلبك واخداك  
على دربك قلبي إستناك  
للعش الهادى انا سبىقاك  
ما تقرب بهواك وتهل

# أحاسيس متناقضه

أحاسيس متناقضه ومحتاره

ورياح بتطير ف ستاره

والحب المليون بوعيدة

افكاره بتطلع غداره

صارعتنى الدنيا بأحلامها

سحرتنى من سحر كلامها

فى وریدی بيجرى ويحضنتى

لكن أوهام وانا أدامها

# أنين الروح

بالبسمه الموشومه ف وشى  
وبروحى الحلوه بنيت عشى  
لكن مليان أحزان ياما  
وآلام بتقول لى كمان كشى  
قلت انا أعصابى ف تلاجه  
وقويه كمان عند الحاجه  
وسيوفى بتطلع من قشى  
باطرد أحزانى وترجعلى  
واتخيل إنى مخاصماها

وخيالى العالى بيسمحلنى  
إنى اكذب ساعه وانساها  
أنساها صحيح وانسى معاها  
عطشى وانين الروح ياما  
وأروح لحبيبي .. والقاها  
سبقانى حتى ف أحلامى  
لكن ف الدنيا معاه با امشى  
بالبسمه الموشومه ف وشى  
ياحبيبي اللى القلب اختارك  
أنا شمسى بتطلع ف نهارك  
وف ضيقتك انا بير أسرارك  
فرحلى القلب المتألم  
واتكلم عن حبي اتكلم  
واحكى لى ع الشوق الزايد  
خلينى ف حبك أتعلم  
واديلك من بحر عيونى

# أنين القلم

مضطهدين القلم الطيب  
ليه ما اعرفش ؟! ياناس دلونى  
ليه والقلب معاكوا قريب  
بتساومونى وبتعاندونى  
جوه كاساتكم نخب عداوتى  
و ف اجهاض الكلمه سعيتوا  
واتغريتوا كمان بهداوتى

اتسرعتوا ف قتلوا وموتى  
ليه فرقتوا حروفى مابينكم  
وبدروها خلف ضهوركم  
آه ياوجعها جوه ف روحى  
اغتالتوها بكل جنانكم  
هى الباقية برغم سيوفكم  
دايما طالعه بتكشف زيفكم  
قلمى رصاصى ومدفع قلبى  
دايما صاحى ونایل منكم  
واحلف بىك يا حبيبى انى اكتب  
أطرح ، واضرب ، واقسم ، واعرب  
عن إعجابى بحبك ليا  
ذكرك إسمى ف وقت الحب  
ووقت الكرب  
إوعى تغيب عن قلبى وعينى  
بكتب بيهم كل حنينى

وبیہم باقوی واعبر عنی  
وارمی الخوف من کل سنینی  
لو حبسونی وقصفوا اقلامی  
وحرقوا جرایدی وکل دفاتری  
بینی وبینہم کل ایامی  
أکتب فیہم کل خواطری  
دنیا بترجع بالمقلوب  
( ہتھر ) صوتی ف کل قلوب  
قمع وجمع فلوس وخلص  
امتی ( یانازی ) القلب تتوب

# نجم الروح

ف القلب قادت نار  
زى انتحار الشتا  
ماتبوحش بالأسرار  
دا انا روحى متفتته  
قلمى بينزف ألم  
إحساسى فىا احتار  
منك ياروح الروح  
أنا قلبى فىك مدبوح

بعدك وسادة نار  
هجرك قصيدة نوح  
باطوى الورق وافتحه  
وعيونى بتصححه  
أصلك ملاك أحلام  
ما اقدرش يوم أجرحه  
لو شوقى جانبى لفين  
وقتلنى حبه سنين  
ما اقدرش أقول له منين  
ألقي السبيل للدار  
ياحب ماتسبنيش  
ف الحب مابيديش  
للذكرى آدى طريق  
وارجع لوحدى أعيش  
ف القلب قادت نار

# مواجه يا غربه

مواجه يا غربه

تكسر جوانح

تمرر زماننا

تدارى الملامح

وتنقش حكاية

بدمعة هوايا

وبحر المدامع

دا شايف وسامع  
وراسى الملامح  
ضعيفه الجوارح  
حقيقه تحاربنا  
بواقع هربنا  
لواقع تاعبنا  
وشاغل ضمائر  
وخابت آمال  
وطيبة قلوبنا  
تداوى الجبال  
يا عمرى اللى رايح  
وتايه ف صحبه  
مواجه يا غربه

## النای الشادی

وبا اقولك إيه ماتكلمنى  
صوتك يا حبيبى بيأسرنى  
همسك ودانى لعنوانى  
حبك علمنى وحررنى  
والنای الشادی ف نبراتك  
والشوق الجای ف عبراتك  
بیزود للقلب ف ناره  
ويعيش قلبى ف اسراره  
وبيلعب بيا ويسحرنى  
هيمانه بشوقك وبذوقك  
وكأنى اخترتك على ذوقك  
أنا عشت ف حبك أحلامك  
وزمانى ف حبك نورنى  
بالحلو كلامك علمنى

عيشنى هواك لحظه بلحظه  
لمداك وهواك ح توصلنى  
بالشوق الجارف جياك  
لو كنت واصلنى انا واصله لك  
نسينى الحزن اللى معلم  
علمنى اليل موالك  
زينت العمر بياسمينك  
وعيونى الاتنين راسمينك  
وحياتك تبقى تكلمنى  
مشتاقه لنور ضى جبينك  
غرقانه وحبك نجانى  
إكسبرى وخمرى فى حياتى  
إسقينى ياعمري وخذ نفسك  
حبك بيلون أوقاتى  
وحياتى بتلون ذاتى  
وبا اقولك إيه .. ماتكلمنى !!

# صفو الروح

كل حروف الضم تضمك  
كل حروف المد لحبك  
ياللى معانى الحب تهتك  
هم بقلبي وقرب قلبك  
روحك ساكنه حروفي الساكنه  
حبك غير حتى اللكنه  
من مدرستك باخذ لحنى  
وبا ارمى ف كل همومى الداكنه  
شفتك فارس للأيام  
واقف حارس للأحلام  
إنت حقيقه بجد ف عمرى  
وللا خارج لى من الأفلام

أنا مش بندر ولا بدويه  
أنا فلاحه من الشرقيه  
بهيه وعندى عرق صعيدى  
وبالغ فخرى ان انا مصريه  
حبك عشقى وروحي وزادى  
هنايا وصفو الروح وميعادى  
كل قوافى الحب تقول لك  
إنك بطلى وعيد أعيادى  
باخلص ليك من يوم ما عرفتك  
كنت ها اطير جد بمعرفتك  
ياللى بحبك بارفع راسى  
وبافخر إنى بجد حبيبتك  
زارعه لقلبك شجره ف قلبى  
نخل هواك ضلل على دربى  
هات ياسمينه وخذ ياسمينه  
إزرع ورد الحب ف قلبى

# حبل المشنقه

سنينى زى المطرقه  
رحلة مرار متزوقه  
سكه حزينه م البدايه  
والحلم مات ف الشرنقه  
ليه ياقلوب متفرقه  
ليالى حزن ملقلقه  
وآهات ف ضحكه مروقه  
على فرحه حلوه معلقه  
على طرف حبل المشنقه

# ناوى ع الخيانه

نويت تخون  
بقى ما يضرش  
تغيب وترجع  
ما يهمش  
اروح انام  
احلم بعنيك  
وقلبي يصحى  
بشوق يناديك  
واخاف اقولها  
ما تهتمش !!

# قلبي اتخطف

أمانه ما تلوع قلبي  
ولا تبخل على روى برضاك  
دا انا قلبي المجروح والعاشق  
والشوق بيسافر فى هواك  
وانا كاس السعد اللى شربته  
وسكرت ف ضى مُحبيّك  
وانا المسجون جوه الزنازين  
وبدون جدران

وانا دمعہ عین حارت  
م الشوق تحتمی بهواك  
وانا رمش العین یسهر  
فی اللیل كان یستناك  
وانا قلب ضعیف مخطوف  
موعود ییجی یوم یلقاك

# الشوق الدائم

لما تحب .. تعيش أوجاعك  
وان الشوق الدائم واجعك  
اوعى تقول ولا شئ لحبيبك  
لازم يبقى ف صمتك سامعك  
اوعى ف يوم تستعطف قلبه  
لو بيحبك راح يرعاك  
وانت تحس بنفسك جنبه  
لما ف زعله يحب يراجعك

# طوق الدنيا

لم الشتاء فرشاه وقام مشى بهدوء  
هل الربيع بالدفا والأمنيات الذوق  
فتح لى ورد الأمل والدنيا جات ليا  
من بعد برد الهوى فرحت لياليا  
الحسن غطى الربى والدنيا لابساه الطوق  
وسعاد بتنده بقى للضحكه تيجى تروق  
فرحه ف عيون البشر زى السواقى تدور  
وادی الجناین بقت مليانه عطر ونور  
الطير بلحن الهوا بيهز أحلى غصون  
والشمس جات مشرقه علشان تدفى الكون  
الميه بين شطين بالمركبين جايه  
والحب مالى الشفايف والدنيا ورديه  
أصل الربيع ابتسم والقلب حقه يفوق

# حديث الناس

حبيبي ياللى جمالك كاس  
من غير خمر ملان إحساس  
نسمه تداوى كل عليل  
واشهد إنه حديث الناس  
كله رجوله وذوق وحماس  
دا اللى تشيله فوق الراس  
ودا اللى يخلى البدر يغير  
ودا اللى الروح جواه تتباس  
قلبك شمس مايوم بتغيب  
تاج على راسى  
يارافع راسى  
ولا تتاقل بالآلماس

# كتاب قلبى

أنا فوق ضفاف نيلى  
غنيت مواويلى  
ياللى ف كتاب قلبى  
نقشاك عقود لولى  
قلبك عيون دربى  
ياوشم ف مشاعرى  
با اهدى إليك حبى  
برموشى غطيتك  
وف نبضى خبيتك  
والباقى ياعمري  
أسكن كمان بيتك

# قضية هزليه

ليل ونهار قاعد ع الفون  
ترغى وتحكى لست إيفون  
فاتح ليل ونهار واتساب  
شايلى وياك قفل الباب  
إصرخ وانداه م الشباك  
عيشتى معاك خليتها هباب  
نفسى ف حبة شوق وحنان  
أو طبطبه وتصالح فيا  
طالع نازل تضرب فيا  
ليه يا حبيبي انت بتتغر  
واما ترد تقول أنا حر  
ومفيش ست هتحكم فيا

طب يا حبيبى يا ضى عنيا  
حتى القهوة تشاركك فيا  
وتجيب سيرتى لكل اصحابك  
هو أنا ذنبى اننى عشقاك  
أو صايناك بأمانه ف غيبتك  
مش ها اقبلها حقيقى خيانتك  
ابعد سيبنى يا معذبى  
وسيبنى لندى وكرهى لعيشتك  
يمكن يوم تتربى وتفهم  
اننى كنت ف قلبك ورده  
وانت حرقت الورد بهجرك  
هاشكر ربى وافضل ادعى  
انى محافظه كتير على عقللى  
وما تجننش كده من بدرى  
ياللا بسرعه ابعتلى ورقتى  
ها ارحل من دنياك بكرامتى

# عائش أسير

قصة عمرى آهه كبيره  
الأفراح فيها بتأشيره  
جرح بينده جرح ويمشى  
وجرح مُصر يعاند رمشى  
وآدى القلب محاط بالحيره  
اللى يشوفنى يقول مرتاحه  
وانا عائشه ف ايام جراحه  
بابتساماتى با ادارى جروحي  
حابسه جراحى جوه ف روى  
وف أحزانى عائشه أسيره

# ميلاد روى

أول روى ما شافت روىك  
قلت يا حبيبى الغايب فى نيك  
روى اتولدت من دلوقتى  
وانى يا قلبى سعيدة بوقتى  
شوقى اتعلم إنه ينادى  
وقلبى عيونہ م الناحية دى  
قلبى اتكلم ويا عيونك  
قام من نومه ونادى عليك  
ساقنى خيالى لسكة حلمى  
وعشت ف دورى بطولة فيلمى  
لو حبيبتنى إوعى تفارق  
إوعى تقول لى يوم مش فارق  
وارسم حبيبى سنين ف جيبك

# قضية طلاق

بيقولوا عليها مصيبيه

بيقولوا عليها كنييه

ولا عملت ليكم قيمه

ولا طلعت منها العيبه

لواقعها رافضه تسلم

مش قابله كمان تتألم  
وتسلم ليه بالأمر  
لو قادره فى يوم تتكلم  
ماهى عايزه تعيش مش أكثر  
عنديه يجوز بتفكر  
ع الحظ بترفض تبكى  
ولا تندم يوم ع الطيبه  
تقاليدنا الخايبه تابوت  
محتاجه لدعك فانوس  
والحظ ياناس منحوس  
الدوا محتاج تركيبه  
بيقولوا عليها مصيبه  
بيقولوا عليها كنيبه

# مُر السنين

انا ضهرى م الحمل انحنى

م الحيره إيه حيلتى أنا

كل الحبايب رَوَّحوا

والكل باعنى ف منحنى

إسمعنى ياقلب الربيع  
ومين يبيع يوم الضنا  
ليه الحبايب ميّلوا  
ف الغيبه ليه بيطولوا  
فاتوا المكان من كام سنه  
با انده ياغايب عود لنا  
الآهه وجعت قلبنا  
مر السنين عدى الحدود  
والضى مش عايز يعود  
ياعمر بيعدى هوا  
إمتى أعيش دنيا الهنا

# جنون الحب

حبيبتك من غير أسباب  
وكتبتك ف الحب كتاب  
حبيبتك وبكل جوارحي  
وغرامك لون لى ملامحي  
حبيبتك وانا قلبي حنون

حببتك والحب جنون  
وآمالى ف حبك ماتعدش  
فى آمالى ف بعدك ماتهدش  
ما تردش يا حبيبى الباب  
ها اسهرلك والشوق سهران  
والقمره بتعزف ألحان  
والورد مفتح على عوده  
والسوسن لعنيك نشوان  
فى صباحى بتنده أفراحى  
جيبالك من قلبى عتاب  
حببتك من غير أسباب

# إعتراف

كنت محتاجه لكفوفك  
كنت مشتاقه لحناك  
قلبي نفسه كمان يشوفك  
والكفوف تحضن كفوفك  
باعترفك بالمحبه  
وان انا طول عمري حابه  
واسأل الأيام تقول لك  
ياما كانت رجلى دابه  
دمعه سالت من عيوني  
والليالي ليه خدوني  
راسمه بسمه فوق شفايفي  
وقلبي دارى عشان ظروفك

# حلو الملامح

ياقاسى الملامح

ياجامح بخيلك

ماتعطف شويه

وترحم أسيرك

بتضرب بسيف الكلام ف الصميم  
وتخلص وتوفى بموقف سليم  
وحتى الأعدى بتشهد بنبلك  
وباشهد بانك مفيش حد قبلك  
خناجر حروفك بتمحى الخطايا  
فتحضن طريقك عيوني وخطايا  
فى نور المعانى بتسبح حروفك  
فتسبح فى عقلى وروحى ودماي  
يا طاهر وساهر لحبى الليالى  
ملكى المشاعر بحبك ياغالى  
يا أكبرهديه يامنحة إلهى  
حسدهم فى عينهم دا ساهر قبالى  
وقالوا ماقالوا على ف غيابى  
كأنى كفيفه فى مشهد ضبابى !!  
وحبك دا نورى وضى العيون  
ومادد ف عودى ورجع شبابى

أنا وانت واحد بكل المعانى  
يا راوى مشاعرى وساكن كيانى  
نظمت القوافى لخاطر عيونك  
وسحرك وصلنى فى ليلى ونادانى  
وقلبى بشريعتك محير خصومه  
وقلبى لقلبك بيشرح علومه  
ولو مره عنف وزعق علىّ  
فى قربك حبيبى ما با اقدرش الومه  
ونادره فى وجودى ياكل الوجود  
وقادره ف حبك أسود الحدود  
وهليت بحبك فى عتمة فؤادى  
وقادر بحلمى اللى عدى تعود  
ها اسطر تاريخى بنبضى عشائك  
لأنك أميرى وروحى ف حنائك  
يا عشقى ووصالى يا واصل آمالى  
جنانى فى حبك موازى لحنائك

وقلبك لقلبي ف هوانا شراع  
وحاضن عيوني بشوق ما استطاع  
ياماسح دموعي وفارد قلو عي  
ياكاره في حبي لكلمة وداع  
ها انسَى عيونك  
همومها اللى فاتت  
واصحى ف قلبك  
مشاعره اللى ماتت  
بقلبي اللى طامح ياحلو الملامح

# قلبي انكوى

رغم المزار والوجع

متبسمه الأفندة

ويا امد ايدى بدلع

ويا اهدهد الأورده

وارفض ملام الهوى

لإن قلبي انكوى

وعانى بالشكل ده

واتغطى ورد وندى  
رغم المرار والوجع  
رغم البعاد والنوى  
القلب بيك انكوى  
وحب قمر الليل  
وقال لى والله با اميل  
لكن لا اوشوش ودع  
ولا عمرى أعمل كده  
علشان هوايا جدع  
والقلب حُبّه اصيل  
رغم المرار والوجع

# نن عیونی

وبحبك.....

أیوه بحبك

ولا قلبی بیعشق غیرك

وانا حبی لوحدی ف قلبك

والروح بتهدد طیرك

إسمك ف القلب حکایه

راسمك ف الروح مواوئل

جَمَلت الصوره معایا

وزرعت ف حبك ميل  
من غير ما تقول لى بحبك  
من قبل ما اقول لك جايه  
قلبك وطنى ودنياى  
ومفیش لهوانا نهايه  
ورسالتى ف قلب سطورها  
كلمات من حبك نورها  
ودعايا لقلبك يسلم  
والروح با اهديها زهورها  
وياك يا رواية حبي  
با ارسملك سهم ف قلبى  
با ابعتلك نظره شوقى  
مفروده خطاوى ف دربك  
يا منور نن عيونى  
وعيونى كمان بتحبك !!

# عتاب القلب

طرف صوابى مات واتوفى

زى سنابل قمحى الجافه

روحى ف عتمة روحى بتنده

بحر أنينى بات ع الحافه

بيخطف قلبى أصعب خطفه

ضايح قلبى ف نظرة عطفك  
ضاح اللون للورد معاها  
عاملى يا دنيا عيونى بلطف  
أخبى دموعى ف معنى بيوجع  
أرجع الاقى دموعى بتطلع  
وازرع وردة نور ف شفائفى  
وارجع اخبى دموعى وأمنع  
أعتب .. واعتب .. بس لمين ؟!  
أو على مين يا عتابى ودمعى ؟!  
أحزن على أيام وسنين  
وارسم فرحه ف قلب مدامعى  
واصرخ وحدى كائى ف منفى  
طرف صوابعى مات واتوفى  
زى سنابل قمحى الجافه

## الواد أبو شفه نونو...!!

دخلت انا جوه نفسك

اتهجى همس همسك

والامس ف الملامح

بكف الحنين للمسك

طببط صمتك عليا

صحى الانين شويه

لو فاهم قول لى فاهمك !!؟

لو حاسس قول لى سهمك /

صابنى وكلم عينيا

ياتجوم الفجر عدّى

وَادِّي لِحَبِيبِي شَمْسُكَ  
لَا أَمْسُكَ نَهَارَ عَيُونِهِ  
عَجَبُكَ كَمَا نَجُونُهُ  
الْوَادُّ أَبُو شَفَةِ نُونُو  
فَ عَيُونُهُ الْحَلُوهُ رَاسُكَ  
رُوحُكَ فَنَجَانُ بَيْنَطَقُ  
بِبَلَاغِهِ كَمَا نَمُنْطَقُ  
يَا سَحَابَةَ حَبِيٍّ وَلِيِّ  
خَلِيلِنَا الشَّمْسُ خَلِيٍّ  
خَلِيٍّ لِي قَلْبُ خَلِيٍّ  
يَقُولُ لِي الْحُبُّ إِسْمُكَ  
شَفَتِ نَظْرَاتِ عَيُونِهِ  
فِي وَرِيدِ الْقَلْبِ طَلْهَ  
وَالْخَطْوَةِ الْحَلُوهِ مِنْهُ  
بِتَقْوَلِ جِيَالِي وَاللَّهُ  
فَ طَرِيقُ طَوِيلِ تَقَاسَمُكَ

# طاير مع أحلامى

لو شوقى واصلك فى عينيه

إكتبلى حبك أغنيه

خلينى أطيّر مع أحلامى

واغنى أيامى الجايه

وسيبنى أعيشك بطريقتى

أغرق وياك فى الحنيه

## شنطة سفر

أربط شنطة سفرك وارحل  
وما تهتمش باللى ف عيني  
كل منايا لحلمك توصل  
وانا شيلالك كل حنيني  
إوعى تهزك صرخة قلبى  
خبى الشوق فى عيونك خبى  
خلى إيديك مع إيدى شويه  
مين بعديها يشاور ليا  
بعد ما تمشى يا حب حياتى  
قلوبى إليك يشتاق وعينيا

# طيبة قلبه

با اقول له يا قلبي إزاي طبيت ؟!

رد وقال لي عشان حنيت

عمرى ما شفت ف طيبة قلبه

وعمرى ما غير قلبه اتمنيت

قلت اشمعنى على دا ناديت

قال لي عشان بالروح حببت !!

## اللحظه المُرَّه

نفسى معاكم أخرج بره  
وانا مش عايزه اعيد الكرّه  
أبكى دموعى كتير علشانى  
والأحزان دايمًا واخدانى  
كل همومى ويا دموعى  
جايه تعاتب فيا شويه  
نفسى اهرب م الدنيا الغاره  
واعزف على أفراحى بقلبى  
يمكن يسرق كل مواجعى  
ويعوضنى اللحظه الحلوه

# القلب أسير هواك

أنا قلت فيك أشعار كثير  
قصة غرامك طوّلت  
في الحكي لسه ف أوله  
الفرحه لما تضمننا  
وتعلّى شوقنا ف حبنا  
وشمك في قلبي من زمان  
صوتك نغم زى الكمان  
قادت في قلبي وشعلت  
والقلب لك في هواك أسير

إتأخرت عليا كثير  
لما تعبت من التفكير  
قلت انا حلم ومَر عليك  
أرجع تانى وافكر فيك  
لو وحشاك يا حبيبي .. عنيا /  
ليها أيام وسنين سهرانه  
مستنيه تطل عليا  
وتحسسنى بحبك ليا  
عشت العمر انا فى الأوهام /  
رسماك تمثال جوه خيالى  
قلت ف لحظه اتحقق حلمى !!

# وجع قلبي

"أكاد أجزم"

بأنه حقيقي مش ممكن

مع حبك

فراق من قلبي يتمكن

وكل ما اغير بسيف الحرف يتزلزل

ويتوارى بوجع قلبه

ورا مسكن

ياشوق جويا وحكاية

بيحكوها /

يغنوها /

وبا اتنهذ بصوت على /

وانا مالى

بسلطن ليه فى موالى !!؟

وقلبي بشوقه بيدندن !!؟

# قلبي مات

إفتكرتك يوم ملاك  
عشت مخدوعه ف هواك  
كنت دايبه فيك بروحي  
بس قلبي مات معاك  
كل لحظه فى الغروب  
أترمى فى حضنك وادوب  
واما تبقى مش معايا  
أجرى ادور فى الدروب  
ليه مغير من طريقتك ؟!  
ليه بتبعد عن حبيبتك ؟!  
نفسى أنسى ذكرياتى  
وانسى حتى الخوض ف سيرتك !!

# عتاب روى

نفسى الوم واعتب عليك  
واعدل الصوره ف عينيك  
سبت إيدى ف حته ضلمه  
ليه رميتنى ف دنيا ظالمه ؟!  
وروى كانت بتناديك  
ليه رميتنى للهلاك  
كنت ليه ما ابقاش معاك ؟!  
وبايديه احضن إيديك  
سيبتنى وسط المهازل  
كنت عرضة للعوازل  
إمتى قلبى ده يلاقك ؟!

# وقت الرحيل

لما جه وقت الرحيل  
قلبي أَنِّ ومات عليل  
كل حاجه مكانها .. وقفت  
والنهار أصبح بخيل  
حتى ليلى فر منى  
وشمسى صبحت غايبه عنى  
كل شئ أصبح سراب  
والقمر غطاه ضباب  
لو يطوّل فى الغياب  
مين يا قلبى يميل لى ميل

# إستحاله

إستحاله أنذل قلبى  
وانحنى واركع ف حبى  
إستحاله أقول كلام  
وارمى قلبك بالمام

وانخدع من نظره واحده  
وانجرح... والذنب ذنبى  
زارنى طيفك فى المنام  
قلت أسهرلك ما انام  
100 خساره ع الليالى  
تهت فيها باتشغالى  
شفت قلبى إزاي ندالك  
روحى دايمًا مشتقالك  
والعيون تسهر عشائك  
بس ح امنع نفسى عنك  
وبوصالك ح ادعى ربى

# الليل الحزين

من ليل حزين كله أمانى

لنهار بيحضن الوانى

على قلب هربان من حبه

وامل مخاصم عنوانى

راجعت بالذكرى سنينى

لقيتها عديت في ثواني  
جنب أربعين باكتب زائد  
الحزن في العمر البائد  
واضح تمللي على جبيني  
قلمي يا تايه في مدارك  
ورقي ياشارب أحبارك  
الشمس مش لاقيه نهارك  
ولا لاقيه أهلى وخلانى  
بصوت حزين والله بنادى  
وبا اقول كتير فى الناحيه دى  
هاتى شعاع نبضه أغانى  
يصحى شئ جوه كيانى  
وضلوعى من حرمان شوقها  
خايفه تشوف حرمان تانى  
وخايفه انام واحلم حلمى  
ألقي السراب جه صحنى

# حكاية أبطال

إحكى وقول ياخال

واسمع كلام متقال

وابكى هنا وهناك

دى حقيقه وللا خيال

موال ورا موال

ها احكى عن الأبطال  
وشويه ع الأندال  
دى حقيقه ليها العجب  
أهوال ورا أهوال  
من بعد رحلة تعب  
بعتنا إحنا الولد  
جندى على الجبهه  
يفدى بروحه البلد  
ويكون هناك واجهه  
الحرب قادت نار  
حولنا ليلنا نهار  
هدينا خط الزور  
وعبرنا بالإصرار  
رافعين رايات النصر  
وعدونا بيشكى  
إحكى وقول ياخال

# معركة الكرامة

ياجنود ولبوا النداء  
ف يوم صيام كان حار  
أجمل فصول ملحمة  
حالفين لـ ياخذوا التار  
كان كل شئ ع المدى  
وبرغم كل الأسى  
ماكان بيملئ الدار  
كان قلبنا بالأمل والحب قايد نار  
ع الشط بيدنسه

وعيوننا نار شرار  
قال المجند : صفا  
قال : انتباه ف الحال  
الدم يُقَطَّرُ ألم  
ياللا اجهزى يارمال  
نفدى بروحنا البلد  
يابلدنا يا ام الرجال  
فاردين صدور صبرنا  
من عزنا يا قتال  
خطه الحصين انهار  
على ايد جنود وأسود  
وتاب يعدى حدود  
وتاب يخش الوغى  
حتى لا قرب مدى  
اتلم تانى ولغى  
الرحله والمشوار

## القبر حاضن جثتك

فيه ذكريات بتسكتك  
أوهام تسلسل سكتك  
تاخذك بعيد وبرغبتك  
وعن صراطك تبعدك  
لسكه ضلمه بتندهك  
تمسك فى كرسيك ليه بقى  
والخير بيهرب من إيديك  
والشر طال من عينيك  
يحرق غلابه يامفتري  
مستقوى فيها بمنصبك  
وكانها كات دولتك !!  
ماتبص لحظه لدنيتهك  
القبر حاضن جثتك !!

# البهلوان

البهلوان وصل البلد  
ثَبَّتْ وَصَّالُهُ وَاتَّسَدَ  
على كرسى زایل للأسف !!  
والخلق واقفه بتسنده  
تستنى بس لطلته  
من خلف شباك حضرته  
يضحك ... يقسم ف الرتب  
والجايزه أوهام من سراب  
جوه قلوب كل البشر

# القهر و رانا مساخر

الغريه دى برد مالوش آخر

والقهر و رانا بيتأخر

ويعاود يدينا مساخر

الدنيا ليه مش وداده

وقلوبنا ملاته على الآخر

تضعفنا وللا تقوينا ؟!

تسلبنا وللا بتدينا ؟!

تدينا الحاضر مش نكته !!

وللا تعيرنا بماضيها ؟!

ياناس ياغوالى علي قلوبنا

ياللى انتو الأصل ف أمانينا

الدنيا بالضره بترجع

والبعدا بيتناوبوا علينا !!

# بدون دستور...!!

من غير دستور

ولا أى حضور

ولا قاضى يقرر

( شاهد زور ) !!

ومحامى يحامى

عن المظلوم

ولكنه مساوم ع المعلوم

جمهور بيصقف بالمشوار

وانت اللى بتفتح لينا حوار

داير دوران

ساقيه أحزان

بتقول لك ياللى عليك الدور

# الحر شبع أوجاع

الحر ضاقت روحه أكثر .. باع وباع  
مش جهل منه لو... شبع أوجاع .. وجاع  
ليله ونهاره بينقضى وسط العبيد  
ياكثر خوفه من أمير طاغى أوى وطماع  
عايش سنين شارى ف زمن بيع  
الشر أصبح فيكى يابلدنا مشاع  
كان فاكر إنه ها يحلم الأحلام  
يعلى بفكره فوق هوى الأطماع  
فالقلب تاه بين الخداع وضياع  
الحر فاضت دمعته وقالت  
حاكم وقال من البلد يخفى و يطلع  
والأصيل الحر من  
خوفه بقى من جملة الأتباع

# رمضان

رمضان زمان كان له حنان  
كان رزقه واسع كان أمان  
كنا صغار وكبار نقوم  
م الصبح فاتحين الببيان  
ونجيب فانوس ونعلقه  
عند الجيران الطيبين  
كنا ف حارتنا ولاد كثير  
يجرى الصغير والكبير  
ولا مره حسيننا بزحام  
نلعب ونجرى .. ياسلام  
للعمر دا خاذنى الحنين  
ياريت تعود ياليل زمان  
نسهر ويحضننا المكان

# إحنا الحكومه

احنا الحكومه

دستور وأمه

وإيدنا واحده

ولينا كلمه

بنبض قلبك

وبوحي حبك

بنبني ذاتنا

بصمتنا واضحه

بكل همه

# قصيدة رثائي

ياللى كان إسمك جيهان

وف حنانك كان حنان

كان لقلبك طيبه واضحه

وحضن عامر بالأمان

كنتي ناويه ع الرحيل  
واللي منك كان قليل  
الزمن فعلا بخيل  
والحلق مالهوش ودان  
ياللى كان اسمك جيهان  
كل حاجة بتحكي عنك  
والأماكن بتناديكي  
فيها من همسك كمان  
ياللي كان اسمك جيهان  
إوعى تنسى الحب إوعى  
بس من غير أي دمه  
يمكن ابقى بروحي سامعه  
واقول لنفسى كان زمان  
ياللي كان اسمك جيهان

# ميلاد حبيبي

يوم ميلادك يا الحبيب  
با احضنك والمس إيدك  
قمرى إنت فى الليالى  
والليالى بتناديك  
قلبي من أفراحه يرقص  
لما ييجى ويهاديك  
بايعه كل الدنيا ديه  
بروحى دايما با اشتريك  
كل حزن الدنيا يمشى  
لما اوف فرحة عينيك

# أغنية زواجنا

إلى زوجي وتوعم روى الشاعر

ناجى عبد المنعم

ياناجي حبيتك أنا

أول ما شفت عينيك هنا

الناس سقوني الخوف

كاسات

وعنيك سقوني من الهنا

أول ما شفت عينيك هناك  
سبت اللي كان وجريت عليك  
وقلت اتهنى بلقاك  
وعرفت وياك مين أنا  
وعرفت وياك مين أنا  
ياناجي حبيتك أنا

.....

أنا لسه عارفك من سنه  
وكأني عارفك من سنين  
ملتيني بالشوق والهنا  
ولقيتني مليانه حنين

## محتوى الكتاب

| م  | عنوان القصيدة      | الصفحة |
|----|--------------------|--------|
| 1  | بطاقة الكتاب       | 2      |
| 2  | الإهداء            | 3      |
| 3  | مقدمة الناشر       | 4      |
| 4  | القبر قادر يحتوينى | 5      |
| 5  | مشاعر طاهرة        | 7      |
| 6  | صياد مشاعر         | 9      |
| 7  | قلبي لك دارك       | 11     |
| 8  | خلاصة شجونى        | 14     |
| 9  | حاصرونى ف أيامى    | 17     |
| 10 | خطافة              | 19     |
| 11 | أحاسيس متناقضة     | 20     |
| 12 | أنين الروح         | 21     |
| 13 | أنين القلم         | 23     |
| 14 | نجم الروح          | 26     |
| 15 | مواجه ياغربة       | 28     |

|    |                |    |
|----|----------------|----|
| 30 | النأى الشادى   | 16 |
| 32 | صفو الروح      | 17 |
| 34 | حبلى المشنقة   | 18 |
| 35 | ناوى ع الخيانة | 19 |
| 36 | قلبى اتخطف     | 20 |
| 38 | الشوق الدايم   | 21 |
| 39 | طوق النجاه     | 22 |
| 40 | حديث الناس     | 23 |
| 41 | كتاب قلبى      | 24 |
| 42 | قضية هزلية     | 25 |
| 44 | عايش أسير      | 26 |
| 45 | ميلاد روحى     | 27 |
| 46 | قضية طلاق      | 28 |
| 48 | مر السنين      | 29 |
| 50 | جنون الحب      | 30 |
| 52 | إعتراف         | 31 |
| 53 | حلو الملامح    | 32 |

|    |                    |    |
|----|--------------------|----|
| 57 | قلبي انكوى         | 33 |
| 59 | نن عيوني           | 34 |
| 61 | عتاب القلب         | 35 |
| 63 | الواد أبو شفه نونو | 36 |
| 65 | طاير مع أحلامي     | 37 |
| 66 | شنطة سفر           | 38 |
| 67 | طيبة قلبي          | 39 |
| 68 | اللحظة المره       | 40 |
| 69 | القلب أسير هواك    | 41 |
| 71 | وجع قلبي           | 42 |
| 72 | قلبي مات           | 43 |
| 73 | عتاب روح           | 44 |
| 74 | وقت الرحيل         | 45 |
| 75 | استحاله            | 46 |
| 77 | الليل الحزين       | 47 |
| 79 | حكاية أبطال        | 48 |
| 81 | معركة الكرامة      | 49 |

|    |                           |    |
|----|---------------------------|----|
| 83 | القبر حاضن جثتك           | 50 |
| 84 | البهلوان                  | 51 |
| 85 | الفهر ورانا مساخر         | 52 |
| 86 | بدون دستور                | 53 |
| 87 | الحرشبع أوجاع             | 54 |
| 88 | رمضان                     | 55 |
| 89 | إحنا الحكومة              | 56 |
| 90 | قصيدة رثائي               | 57 |
| 92 | ميلاد حبيبي               | 58 |
| 93 | أغنية زواجنا              | 59 |
| 95 | محتوى الكتاب              | 60 |
| 99 | إصدارات دار النيل والفرات | 61 |

إصدارات  
دار النيل والفرات  
للنشر والتوزيع 2017



| م  | عنوان الكتاب                             | إسم المبدع             |
|----|------------------------------------------|------------------------|
| 1  | ترتيل البوستات الصباحية لأنواع الحب ج. 3 | ناجى عبد المنعم        |
| 2  | ترتيل البوستات الصباحية لأنواع الحب ج. 4 | ناجى عبد المنعم        |
| 3  | العفريّة الشقية                          | ناجى عبد المنعم        |
| 4  | المختصر المفيد فى سيرة أهل بيت الحبيب    | د. عبد الحليم هنداوى   |
| 5  | فى حب الله وعشق الأوطان                  | د. عبد الحليم هنداوى   |
| 6  | ظمى لا زبد وعبر للأبد                    | د. عبد الحليم هنداوى   |
| 7  | أبو الطيب المصرى ( ج. 1 )                | عبد الله الشوربجي      |
| 8  | أبو الطيب المصرى ( ج. 2 )                | عبد الله الشوربجي      |
| 9  | أبو الطيب المصرى ( ج. 3 )                | عبد الله الشوربجي      |
| 10 | أبو الطيب المصرى ( ج. 4 )                | عبد الله الشوربجي      |
| 11 | أبو الطيب المصرى ( ج. 5 )                | عبد الله الشوربجي      |
| 12 | أنين الروح                               | جيهان عبد الرؤوف علوان |
| 13 | همسات                                    | السيد صابر             |

|    |                                      |                   |
|----|--------------------------------------|-------------------|
| 14 | أشجار الخوف                          | رضا ابو الغيط     |
| 15 | الحلم بيكبر                          | رضا ابو الغيط     |
| 16 | أشكرك                                | رضا ابو الغيط     |
| 17 | أكفان الخوف                          | رضا ابو الغيط     |
| 18 | تباشير الصباح                        | رضا ابو الغيط     |
| 19 | وتر البكا                            | سمير موسى         |
| 20 | مدمن ضرب                             | سمير موسى         |
| 21 | بباعدوا أملاكى                       | علاء الدين على    |
| 22 | مشاكسات إبداعية                      | أسماء فريد        |
| 23 | عن التواصل الأدبي بين الشعوب         | د. يسرى عبد الغنى |
| 24 | حميسة                                | عبد المنعم شرف    |
| 25 | نبضات أنثى بلا وطن                   | تهانى فؤاد        |
| 26 | أميرى                                | أسماء فريد        |
| 27 | جدلية التحول بين التمرد والانتماء    | ناجى عبد المنعم   |
| 28 | رباعيات                              | ناجى عبد المنعم   |
| 29 | ترنيمة لأنواع الحب ( ثلاثية مسرحية ) | ناجى عبد المنعم   |
| 30 | أبو جلمبو فى كوكب المرىء             | ناجى عبد المنعم   |

|                      |             |    |
|----------------------|-------------|----|
| د. عبد الحليم هندأوى | أاملة الورد | 31 |
| مأمود هليل           | إنكسار حرف  | 32 |